



UNIVERSITÄTS-  
BIBLIOTHEK  
PADERBORN

**ITINERARI[I] || ITALIAE || RERVMQ. ROMANARVM || LIBRI  
TRES ||**

**Schottus, Franciscus**

**Antverpiae, 1600**

Narnia

---

[urn:nbn:de:hbz:466:1-70633](https://nbn-resolving.de/urn:nbn:de:hbz:466:1-70633)

ziam Romanam, qua via Latina est, occupare conatus esse: quam veteres inscriptiones Coloniam Interamnam Lirinam videntur appellare, ad differentiam municipij Interamna Nahartis, ut nominant urbem Vimbriae, de qua iam verba facimus. Verum dumtaxat haec admoneo, ne lector in eos auctores licet doctos incidens, simili errore capiat. Interamnatum Nahartium ager, ut antiquius, ita & nunc propter situm & aquarum dulcium abundantiam summè fœcundus est; nimirum in descensu Appennini, meridiem & inferum mare versus eius positi colles & campi (quos inferantes idcirco Vitruvius appellat) perpetuis fontium ac fluminum riuis irrigui, ad solis radios apricando, procreadorum omnium fructuum oportunam facultatem habent. Nec mentiri Plinium re ipsa compertum est, sencia quotannis tria vel quatuor admittere Interamnata prata, nec non postea in pabulo non minus emolumenti dare: quod quidem incredibile nostratis videbitur, sed productæ in conspectu vastæ magnitudinis rapæ xxx. librarum amplius podo, quarum septenas iusto pondere a sinum onerare posse affirmant, fidem facient: nec non Plinius quadraginta librarum se vidisse scribit libro xviii. Naturalis historiæ.

## N A R N I A

**P**er Narniam via Flaminia Ociculum profici scere. Narnia in aspero difficultique monte & magna ex parte abrupto posita est, cuius imas radices abruptosq; scopulos Nar fluvius magno cum fragore lauat, à quo Narniam appellatam Liuius, & Stephanus Grammaticus in vibium lexico testantur. Eius situm ita Martialis poëta depingit libro vii. Epigrammatum:  
*Narnia sulphureo quam gurgite candidus annis  
 Circuit ancipiti vix adeunda iugo.*

Nequi.

Nequinum prius nominatam fuisse, incolasq;  
Nequinates cùm à Romanis subiugarentur, idem  
Liuius affirmat. Infami scilicet nomine ob in-  
certiam & prauos oppidanorum mores, vt volūt  
quidam, vel à loci iniuitate, de qua locuti su-  
mus. Aspernati tamen postea nomen Roma-  
norū coloni, cùm eò deducerentur aduersus  
Vmbros, & Narniēses à Nare flumine, vt dixi-  
mus, appellari maluerunt. Samnitibus tum Ne-  
quinates confederatos fuisse, triumphi Capito-  
lini demonstrant, cum quibus vieti triumppha-  
ti que fuere per M. Fulvium Pætinum consu-  
lem anno vrbis CDLIV. quo tempore & colo-  
nia eò deducta est. Nunc oppidum oblongum  
ædificiis satis elegans est, rerum copia lautum  
ob agri vicini fertilitatem: licet aliquando bel-  
lorum calamitatibus inuolutum clades ingentes  
patrum memoria acceperit. Prætergressis oppi-  
dum apparent à dextris supra Narem admiran-  
di ac longè conspicui pontis fornices ac minæ  
ingentes: qui duos præaltos & abruptos montes  
subterlabente flumine solebat coniungere, vt  
æquali via transitus ab oppido Narnia pateret  
in montem aduersum. Ex manubiiis Sicambri-  
cis exstructum sub Augusto quidam autumant,  
& Procopius Augustum eius auctorem memo-  
rat, haud vnquam pontis arcus celsiores à se vi-  
sos scribens. Quæ adhuc eius reliquiæ supersunt  
ex lapide quadrato prægrandi, pilis vastissimis  
sublimes arcus impositi, me hercle, demonstrat  
florentis imperii maximum & insani sumptus  
opus hœc fuisse. Nec de alio ponte loqui Mar-  
tialem puto epigrammate iam antè citato ad  
Narniam.

Sed iam parce mihi, nec abutere Narnia Quinto,  
Perpetuo liceat sic tibi ponte frui.

Per viæ Flaminiaæ vetusta monumenta, &  
Oerulani municipij ruinas maximas perges ad  
Tibes.

Tiberim. In transitu quidem videbis ædificiorum publicorum reliquias ingentes: templa videlicet, thermas, aquæductus, & aquarium castella subterranea: item porticus, theatrum, & amphitheatrum: quæ mole sua testantur amplitudinem & magnificentiam summam eius municipij, cùm florente adhuc imperio staret & viigeret. Falluntur qui nobis *Italiam* descripsere, & eo loci nescio quam *Ocream* Sabinorum volunt fuisse, vel *Intercram*, olim inter Cutilias & Phalacrinem in agro Reatino positam via Salaria, ut ex *Itinerario Romano* colligimus. Ceterum Ocriculi municipij ruinas illas esse, testantur aperte statuarum antiquæ inscriptiones duæ, patri atque filiæ, propter thermas priuato sumptu ibidem extructas, ac reipublicæ donatas, publicè locatarum. Quas inscriptiones studiosorum in gratiam hic subiicere visum est. Altera quidem in marmorea tabula legitur, quæ in oppido prope templum in plateis parieti inserta est, nec procul inde visuntur ipsa statuarum fragmenta patris ac filiæ. Altera basis est quadrata, foris ad viam posita, in qua filiæ statua erecta fuerat. Tituli quidem sunt isti:

L. IVLIO. L. F. PAL  
IVLIANO  
III. VIR. AED  
III. VIR. I. D  
III. VIR. QVINQ  
QVINQ. II. DEST  
PATRONO  
MUNICIPI  
PLEPS. OB. MERITA  
L. D. D. D.

IVLIAE. LVCILIAE  
L. IVLI. IVLIANI. FIL  
PATRONI. MUNICIPI  
CIVIS. PATER  
THERMAS. OCRICVLA  
NIS. A. SOLO. EXTRUCTAS  
SVA. PECVNIA. DONA  
VIT  
DEC. AYG. PLEPS  
L. D. D. D.

Tiberim postea traiicies pontonibus ad Augusti pontem lapideum, cuius prægrades ruinæ prolapsæ nunc fluminis alueū obstipant & onerant: atque inde ad Soractis montis radicē pergés, vesperi in oppidulo Ariniano peruoctabis.